



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726-400
fax. +387 33 726-423
e – mail: info@voda.ba

Broj: **UP-I/25-1-40-081-2/21**

Datum: **22.02.2021. godine**

«Agencija za vodno područje rijeke Save» Sarajevo rješavajući po zahtjevu pravnog lica ENERGMONT d.o.o. Bosanska Krupa, u postupku izdavanja prethodne vodne saglasnosti za aktivnosti proizvodnje peleta, odnosno ispuštanje tehnoloških otpadnih voda sa lokacije objekta pogona za proizvodnju peleta lociranog u poslovnoj zoni Vatrene mlin, naselju Krčana, općina Bosanska Krupa, na osnovu člana 139. stav (1) Zakona o vodama («Službene novine Federacije BiH», broj 70/06) i člana 123. stav (2) Zakona o upravnom postupku («Službene novine Federacije BiH», broj 2/98, 48/99), donosi:

ZAKLJUČAK

1. Odbacuje se zahtjev pravnog lica ENERGMONT d.o.o. Bosanska Krupa, za izdavanje prethodne vodne saglasnosti za ispuštanje tehnoloških otpadnih voda sa lokacije objekta pogona za proizvodnju peleta, predviđenog za izmjenu namjene postojećeg proizvodnog objekta u naselju Krčana, na zemljištu označenom kao k.č. broj: 11/40-1 K.O. Bosanska Krupa, općina Bosanska Krupa, s obzirom da za predmetnu aktivnost, u skladu s odredbama člana 139. stav (1) Zakona o vodama, nije propisana obaveza pribavljanja vodnih akata od strane ove Agencije.
2. Ovaj Zaključak ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, odlukama, uredbama i drugo.

Obrazloženje

Podnosilac zahtjeva, ENERGMONT d.o.o. Bosanska Krupa, dana 19.02.2021. godine, je zatražio izdavanje prethodne vodne saglasnosti za aktivnosti proizvodnje peleta na lokaciji postojećeg proizvodnog objekta – proizvodne hale (predviđen za izmjenu namjene), izgrađen na zemljištu označenom kao k.č. broj 14/40-1 K.O. Bosanska Krupa, poslovna zona Vatrene mlin, u naselju Krčana, općina Bosanska Krupa.

U provedenom postupku dostavljena je i pregledana sljedeća dokumentacija:

- ovjerena kopija Rješenja o upisu promjena podataka o subjektu upisa u sudski registar; izdano od strane Kantonalnog suda Bihaću pod brojem U/I-557/05, dana 01.07.2005. godine,
- ovjerena kopija Potvrde o upisu u Registar carinskih obveznika; izdano od strane Uprave za indirektno – neizravno oporezivanje Banjalika pod brojem: 1859, dana 18.10.2005. godine,
- ovjerena kopija Uvjerjenja o registraciji obveznika poreza na dodanu vrijednost; izdano od strane Uprave za indirektno - neizravno oporezivanje Banjaluka pod brojem: 04/5-1/I-17-1035-1224/05, dana 11.12.2005. godine,
- Uplatnica upravne pristojbe (80 KM) i federalne administrativne takse (3 KM),
- kopija Zemljišnoknjižnog izvotka, BROJ: 018-0-NAR-20-000 603, Zemljišnoknjižni uložak broj: 14; Katastarska općina: BOSANSKA KRUPA; izdan od strane Zemljišnoknjižnog ureda Općinskog suda u Bosanskoj Krupi, dana 24.08.2020. godine,
- Kopija Kopije katastarskog plana, Katastarska općina: Bosanska Krupa, Broj plana: 5 K 15 21-10;21-13;sp/pr 25/13; izdana od strane Jedinstvenog općinskog organa uprave Općine Bosanska Krupa, dana 01.07.2020. godine,
- Izvod iz prostorno planske dokumentacije – regulacioni plan „VATRENI MLIN“ („Službeni glasnik općine Bosanska Krupa“ broj: 8/19, karta: namjena i razmještaj objekata; izdan od strane Jedinstvenog općinskog organa uprave Općine Bosanska Krupa pod brojem: 04-19-6-4311/20, dana 14.07.2020. godine, u Bosanskoj Krupi,
- Kopija Urgencije za dopunu podneska zahtjeva, proslijeđena podnosiocu zahtjeva od strane Ministarstva za građenje, prostorno uređenje i zaštitu okoliša Unsko-sanskog kantona pod brojem: 11-23-10821-UP-1/20, dana 20.01.2021. godine, a u postupku pribavljanja okolinske dozvole),
- Studija za pribavljanje prethodne vodne saglasnosti za poslovni objekat – pogon za proizvodnju peleta; urađena od strane pravnog lica s ovlaštenjem Euroing d.o.o. Bihać pod brojem: SPVS 03-02/21, februara 2021. godine, u Bihaću.

Uvidom u dostavljenu projektnu i ostalu dokumentaciju, utvrđeno je sljedeće:

- Predmetni objekt pogona za proizvodnju peleta je predviđen za izmjenu namjene u postojećoj proizvodnoj hali, u poslovnoj zoni Vatrene mlin, u naselju Krčana, općina Bosanska Krupa,
- Uz zahtjev je priložena Studija za izdavanje PVS, kojom je predviđeno slijedeće:
 - U proizvodnom procesu je predviđeno da bude uposleno 5-8 radnika, u dvije smjene,
 - Zagrijavanje proizvodnog objekta je predviđeno na čvrsto gorivo – pelet, uz zbrinjavanje pepela od strane komunalnog poduzeća,
 - Tehnološki postupak proizvodnje pelete počinje dovozom i skladištenjem sirovine (kora drveta, strugotina, piljevina, ogrijevno drvo, šumski ostaci nakon sječe, ostaci iz proizvodnje namještaja, i slično), transport sirovine do mlina, mljevenje sirovine, sušenje samljevene sirovine, presovanje – peletiranje, hlađenje i pakovanje,
 - Skladištenje sirovine je predviđeno na platou ispred proizvodnog pogona. **Skladištenje sirovine se mora vršiti na način da se onemogućuje dospijevanje čestica drveta i drugog onečišćenja u površinske i/ili podzemne vode – u natkrivenom prostoru, kontejnerima, i slično,**
 - Održavanje i čišćenje radnih prostora je predviđeno suhim postupkom, bez upotrebe vode. isto je predviđeno upotrebom krpa, i sličnim sredstvima. Upotrebljena sredstva su predviđena da se zbrinjavaju u namjenske posude do odvoza od strane ovlaštenog pravnog lica,
 - Vodosnabdijevanje sanitarnom vodom (voda za piće uposlenih lica, za sanitarne potrebe i potrebe održavanja i čišćenja radnih prostora) je predviđeno sa javnog gradskog vodovodnog sistema u količini od 0,53 m³/dan,
 - Vodosnabdijevanje predviđene hidrantske mreže u količini od 10,0 l/s je predviđeno da de obezbijedi također priključkom na gradski vodovodni sistem. Na lokaciji postoji izgrađena vanjska hidrantska mreža poslovne zone Vatrene mlin.
 - Na predmetnoj lokaciji će nastajati sanitarne otpadne vode održavanjem higijene uposlenika i održavanjem radnih prostora. Iste će se ispuštati u lokalni kanizacioni sistem poslovne zone Vatrene mlin.
 - Čiste oborinske vode sa krovova su predviđene za prikupljanje i ispust u postojeći kolektor oborinske odvodnje poslovne zone Vatrene mlin,
 - U procesu proizvodnje peleta na lokaciji predmetnog pogona nema produkcije tehnoloških otpadnih voda, shodno tome nema niti ispuštanje tehnoloških otpadnih voda.
 - Udaljenost lokacije predmetnog objekta od vodotoka rijeke Une iznosi cca 0,5 km.

Na prostoru predmetnog proizvodnog objekta će nastajati sanitarne otpadne vode iz sanitarnih prostorija te otpadne vode koje će nastajati eventualnim pranjem i održavanjem radnih prostora, a čiji je krajnji recipijent kanizacioni sistem poslovne zone Vatrene mlin. Čiste oborinske vode sa krova objekta se planiraju ispuštati u kolektor oborinske odvodnje poslovne zone Vatrene mlin. Na prostoru predmetnog objekta se ne vrši tehnološki postupak u kom se koristi voda (čišćenje i održavanje radnih površina je predviđeno suhim postupkom, a eventualnim pranjem će nastajati sanitarne otpadne vode), a samim tim ne nastaju tehnološke otpadne vode niti se vrši ispuštanje istih u okoliš, kako je to utvrđeno odredbama člana tačka (s) Uredbe o uvjetima ispuštanja otpadnih voda u okoliš i sisteme javne kanalizacije («Službene novine Federacije BiH», broj: 26/20), odnosno nema ispuštanja otpadnih voda u smislu odredbi člana 109. Zakona o vodama.

Nadalje je utvrđeno da nastali otpad u proizvodnom objektu ne uzrokuje bilo kakvo onečišćenje vanjskih manipulativnih površina jer se isti skuplja u kontejner i koristi kao sekundarna sirovina, odnosno zbrinjava od strane komunalnog preduzeća.

Skladištenje sirovine je predviđeno na platou ispred proizvodnog pogona, koje se mora vršiti na način da se onemogućuje dospijevanje čestica u površinske i/ili podzemne vode – u natkrivenom prostoru, kontejnerima, i slično.

Na manipulativnim površinama ne nastaju oborinske onečišćene vode, kako je to utvrđeno odredbama člana 3. tačka (cc) Uredbe o uvjetima ispuštanja otpadnih voda u okoliš i sisteme javne kanalizacije.

Nadalje, članom 110. Zakona o vodama je definirano da za gradnju objekata koji se snabdijevaju vodom priključkom na javni vodovodni sistem, a ispuštanje otpadnih voda vrše u javni kanizacioni sistem, ne izdaju se vodni akti.

Podnosilac zahtjeva je u obavezi da pribavi saglasnost operatora javnog gradskog kanizacionog sistema za ispuštanje sanitarnih i oborinskih voda u kolektor javnog gradskog kanizacionog sistema ukoliko je isto nadležno za kanizacioni sistem poslovne zone Vatrene mlin, odnosno oborinsku odvodnju iste.

Ukoliko kanizacioni sistem i oborinska odvodnja poslovne zone Vatrene mlin nisu u nadležnosti operatora javnog gradskog kanizacionog sistema, za isti je potrebno pribaviti odgovarajući vodni akt od strane

Kantonalnog ministarstva poljoprivrede, vodoprivrede i šumarstva, a u skladu sa članom 139. Stav (2) Zakona o vodama.

Obzirom da je utvrđeno da u predmetnom objektu nema aktivnosti definiranih odredbama člana 139. stav (1) Zakona o vodama za koje je obavezno pribavljanje vodnih akata od strane ove Agencije, te da je odredbama Uredbe o uslovima ispuštanja otpadnih voda u okoliš i sisteme javne kanalizacije („Službene novine FBiH“, br. 26/20) definirano da od momenta stupanja na snagu iste, reguliranje uvjeta ispuštanja tehnoloških otpadnih voda primjenjivat će se u skladu sa odredbama iste, u konkretnom slučaju potrebno je primijeniti odredbe navedene Uredbe.

Iz razloga naprijed navedenih, postupajući prema odredbama člana 5. i 14., a u skladu s odredbama člana 123. i 218. stav (2) Zakona o upravnom postupku, člana 139. stav (1) Zakona o vodama te člana 3. tačka (s), a u vezi sa tačkom (cc) Uredbe o uslovima ispuštanja otpadnih voda u okoliš i sisteme javne kanalizacije, riješeno je kao u dispozitivu ovoga zaključka.

Uputa o pravnom lijeku:

Protiv ovog Zaključka može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Zaključka.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta: Ahmet Smajlović, dipl.ing.arh.

Po ovlaštenju
Rukovodilac sektora za izdavanje vodnih akata

Haris Ališehović, dipl.ing.građ.

Dostaviti:

- ENERGOMONT d.o.o. Bosanska Krupa, 511. Slavne brigade bb, 77 240 Bosanska Krupa,
- AVP Sava, ISV-vodna knjiga
- Org.jed. 40 – arhiva
- Oglasna ploča AVP Sava